

Tecc

Tecc, tecc, e ancora tecc
e suta i tecc gent, gent,
tanta gent e ancora gent.
Gent ch'la parla, gent ch'ass mova,
gent ch'la tasa, gent ch'la vusa,
gent ch'la rida, gent ch'la piangia,
gent ch'la rûsca, gent ch'la rûsa.
Gent (a) smorbia
e gent senza pan.
Gent ch'ass voeura ben
e gent ch'ass na voeu mia.

Gent in un gran via-vai
denta e fora di caï,
gent ch'ass rampega, ch'la cura
sû e giò, fin suta di tecc.
Gent ch'la lavura,
gent ch'la tribûla.

Vegna, o sera!
Vegna d'sura di tecc,
denta int'i cà (i)
e fà, o sera,
che al coeur d'la gent,
par un mument,
al sia pasià.